



# Pali zbog pokušaja šverca oružja

E. SKOKIĆ

**TUZLA - Službenici Državne agencije za istrage i zaštitu (SIPA) Regionalni ured Tužilaštva u Tuzli u nedjelju ujutro uhapsili su N.J. i N.M. zbog postojanja osnovane sumnje da su počinili krivično djelo neovlaštenog prometa oružjem i vojnom opremom, te proizvodima dvojne upotrebe.**

Akcija je izvedena po nalogu Tužilaštva BiH na parking u blizini tuzlanskog Bosanskog kulturnog centra.

Zanimljivo je da je Regionalni ured SIPA Tuzla od mjesta hapšenja udaljen stotinak metara, a od izvora bliskih istrazi saznajemo kako je parking prostor s kojeg su kretali autobusi za inostranstvo nadziran duži period.

Posiljka koja je sadržavala određenu količinu minsko-eksplozivnih sredstava otkrivena je



u nedjelju ujutro, a uhapseni N.J. i N.M. su je postavili u prtljag pros-

tonu autobusa koji je prevozio putnike na relaciji Tuzla - Malmø.

Spekulisalo se kako su N.J. i N.M. pripadnici vehabijske zajednice u BiH, ali prema tvrdnjama našeg izvora, to nije tačno. Riječ je, navodno, o osobama koje su odranije poznate organima go-

njenja zbog različitih krivičnih djela.

Inače, nakon hapšenja, službenici SIPA i MUP-a TK pretresli su još pet lokacija, a izuzeti su mobilni telefoni, SIM kartice i drugi predmeti koji mogu poslužiti u daljem postupku.

Nakon hapšenja, N.J. i N.M. privedeni su u službene prostorije SIPA Regionalni ured Tuzla, a nakon kriminalističke obrade predati su u nadležnost Tužilaštva BiH. Istraga se nastavlja.

**PRETRESI  
Nakon hapšenja,  
službenici SIPA i  
MUP-a TK pretresli  
još pet lokacija**